

Inatsisissatut siunnersuummut oqaaseqaatit

Nalinginnaasumik oqaaseqaatit**1. Aallarniut**

Siunnersuut suliffeqarnermi inatsisinik nutarterinerup ilagaa. Siunertaavoq qularnaassallugu Kalaallit Nunaanni suliffissat sapinngisamik annertunerpaamik sulisussanit najugaqavissunit inuttalerneqartarnissaat, kiisalu sulisussanik nunatta avataaneersunik pisariaqartitsinerup annikinnerulersinnissaa.

Siunnersuut suliarineqarpoq suliffeqarnermi periusissiami ”Suliffeqarnek toqqissisimanartoq” 2015-imeersumi inassutigineqartut ilaattut. Inatsisissatut siunnersuut suliffissanut quppersagaq suligl pillugu inatsimmut atasuuvoq, aammalu Suliffissanut, Iitersuinernut Pikkorissaqqinnernullu Qitiusumik Ingerlatsivinnut (SIPQI) nutaanut inatsisiliornerup ilagalugu.

2. Siunnersuummi qulequttat pingaarnerit

Siunnersuutikkut Naalakkersuisut kissaatigaat inatsisiliornerup malinnaatinnissaa inuiaqatigiinni ineriartornermut pisumut, taagutillu ilaannik ullutsinnut malinnaajunnaarsimasunik aqqiinertaqarluni, imaluunniit suliffissaqartitsiniarnermi suliniutit nutaat pisariaqartilersimammasuk Kalaallit Nunaannut suliarortarnermut inatsisit pissutsinut atuuttunut malinnaatinnissaat.

Siunnersuummi ilaatigut ilinniagaasinnaasut taaguutaat nutaat aamma suliffeqarnermi ineriartortuarmi pissutsit naapigiarnearput, atorfinnut taaguutit soorlu *isumaginninnermi siunnersorti* aamma *perorsaasoq* peerneqarlutik, taakku naleqquttutut isigineqarunnaarmata.

Siunnersuummi aamma Naalakkersuisut atorfiit ilasinnaanerinut aamma ilanngarsinnaaneritut inatsisip atuuffianut tunngatillugu aalajangersagaliornissamut pisinnaatinneqarput.

Akuersissutinik nalunaartarnermillu taaguutit kommunimit akuersissutinut aamma nalunaartarnermut allanngortinneqarput siunissami paarlaassisoqartannginnissaa qularnaarumallugu, kommuninit akuersissutit aamma sulisinnaanermut

najugaqarsinnaanermullu akuersissutit nunanit allamiunut tunngasumik inatsisit naapertorlugit tunniunneqartartunut.

Kommunimit akuersissutaasut piffissaq atuuffissaat killilerneqarpoq sivisunerpaamik ukiunut marlunnut. Allanguinerup tamatuma kommuninit akuersissutit aamma danskit nunanit allamiunut akuersissutit tunniuttagaasa piffissalersugaanermikkut imminnut malittunngornissaat qularnaassavaa, kommunit piffissaligaanngitsumik akuersissuteqartarnerat ajornartorsiutaajunnaarsinniarlugu.

Siunnersuutikkut qinnuteqartut amerlassusii pillugit kommunit qanoq Naalackersuisunut nalunaarusiortassanersut Naalackersuisut aalajangersagaliornissamut pisinnaatinneqarput, aamma kommunalbestyrelsip suliani ataasiakkaani aalajangiisarneri pillugit. Tamatumuuna atorfiit suut inuussutissarsiortunit inuttassarsiunneqartarnerisut pillugit ilisimasat annertunerulersinneqassapput, taakku tunngavigalugit Kalaallit Nunaanni pikkorissaqqittarnernut periarfissat aaqqissuunneqartarsinnaaqullugit.

Inatsisissatut siunnersuut inatsimmut atuuttumut sanilliullugu	
<i>Oqaasertat maanna atuuttut</i>	<i>Siunnersuut</i>
	§ 1 Inatsisartut inatsisaat nr. 27, 30. oktober 1992-imeersumi Kalaallit Nunaannut suliffissarsiortut killilersimaarneqarnissaat pillugu, allanngortinneqartumi Inatsisartut inatsisaatigut nr. 27, 9. december 2015-imeersumi, imaattunik allannguuteqartitsisoqassaaq:
§ 2. <i>Imm. 1, nr. 2</i> atorfinni suliassamut naapertuuttumik sulisitsisumi ilinniagaqaqqaarluni, inuutissarsiutinut tunngaviusumik ilinniagaqaqqaarluni imaluunniit Siamasissumik Tunngaviusumik Ilinniartitaanermi ilinniagaqaqqaarluni atorfigineqarsinnaasuni,	1. § 2, <i>imm. 1, nr. 2</i> , imatut oqaasertalerneqassaaq: ”2) atorfinni sulianik ingerlatsinissami suliamik ilinniarsimasuunissamik piumasqaateqarfiusuni, suliamik ilinniarsimasutut, imaluunniit tunngaviusumik inuussutissarsiutinut ilinniartitaanerni, aamma”.
§ 2. <i>Imm. 1, nr. 3</i> atorfinni annerusumik, soorlu inunnik isumaginnittussatut aamma isumaginninnermi siunnersortissatut, ilinniagaqaqqaarluni	2. § 2, <i>imm. 1, nr. 3</i> , atorunnaarsinneqarpoq. <i>Nr. 4</i> taamaasilluni <i>nr. 3-ngussaaq</i> .

atorfiniffigineqarsinnaasuni,	
	<p>3. § 2, imm. 2-up kingorna ikkussisoqassaaq <i>imm. 3, 4 aamma 5-imik:</i> ” <i>Imm. 3.</i> imm. 2-mut ilaanngillat avataaniit akissarsiaqarlutik sulisuusut, pineqartoq: 1) suliffeqarfimmi Kalaallit Nunaata avataani angerlarsimaffilimmi sulisuuppat, 2) pineqartoq nunami maani najugaqartuunngippat, 3) taamaallaat sulisorineqarpat suliassanut sulisitsisup nunani allaneersup suliassiisutaanut akiligaanullu tunngatillugu, 4) kalaallimit suliassiisumit kiffartuussamilluunniit sullissisuunngippat, aamma 5) nunami maani suliassanik ataavartunik suliaqartuunngippat. <i>Imm. 4.</i> Inatsit sulisussanik avataaneersunik akissarsiaqartunik imm. 1-imi pineqartut atorfiit avataanniittunut sulisitsinernut allanut atortinneqarnissaa pillugu Naalakkersuisut aalajangersagaliorsinnaapput. <i>Imm. 5.</i> Avataaneersunik sulisunik akissarsialinnik sulisitsinermi atorfinnut imm. 1-imi ilaagaluartunut inatsisip atunnginnissaa pillugu Naalakersuisut aalajangersagaliorsinnaapput.”.</p>
<i>Akuersissutit aamma nalunaarutit</i>	<p>4. Qulequtaa § 4-ap kingorna imatut oqaasertalerneqassaaq: ”<i>Kommuninit akuersissutit aamma nalunaarutit</i>”</p>
<p>§ 6. <i>Imm. 2.</i> Akuersissut piffissamut aalajangersimasumut atuuttussanngorlugu tunniunneqarsinnaavoq.</p>	<p>5. § 6, imm. 2, imatut oqaasertalerneqassaaq: ” <i>Imm. 2.</i> Kommunimit akuersissut piffissamut killilikkamut sivisunerpaamik ukiunik marlunnik sivisussusilimmut nalunaarutigineqassaaq.”.</p>

	<p>6. § 6, imm. 4-ap kingorna <i>imm. 5-itut</i> ikkunneqassaaq: ” <i>imm. 5.</i> Naalakkersuisut nalunaarusiortarnermut, taassuma imassaanut akuttussusissaanullu tunngatillugu aalajangersagaliorsinnaapput.”.</p>
	<p style="text-align: center;">§ 2</p> <p>Inatsisartut inatsisaat atortuulerpoq ulloq 1. januar 2017.</p>

3. Aningaasaqarnikkut aamma allaffissornikkut pisortanut kingunerisassai

Siunnersuut isigineqassaaq ataatsimut Kalaallit Nunaanni suliffeqarnermi nutarterinerup ilaatut, suliffeqarnermi periusissiami 2015-imeersumi ”Suliffeqarnek toqqissisimanartoq” tunngavigalugu suliniutitut. Nutarterinerup ilaatut suliffissanut, ilitsersuineranut pikkorissaqqinnernullu qitiusumik ingerlatsiviit pilersinneqarput, siunertaqartut kommunini suliffeqarnermi sullissinerup perrassarneqarnissaanik assigiissaagaanerulernissaanillu. Qitiusumik ingerlatsivinni database-it – nalunaarsukkanit toqqammaviliat – aqutigalugit nutartikkat kingulliit aanissaat periarfissaalissaaq, sumi sulisussanik amigaateqartoqarnersoq, tamannalu siunnersuummi atorfiit suut piumaneqarnersut pillugit paasissutissarsiffigineqartarneratigut naatsorsuutigineqarpoq aaqqissuussineq pisortat ingerlatsinerannut aningaasarsiornikkut allaffissornikkullu pitsaanngitsunik kinguneqassanngitsaq.

4. Inuussutissarsiortunut aningaasarsiornikkut allaffissornikkullu kingunerisassai

Siunnersuut aammalu inatsisip atorfiit suut pineqarnersut aalajangersortarnissaannut eqaannerusumik sammiveqarnera aammattaaq suliniutit allat, tassunga ilaallutik SIPQI-it nalunaarsukkanit toqqammaviliaannik pilersitsineq, inuussutissarsiortunut iluaqutaasussamik avataaniit sulisussanik eqaatsumik piuminartumillu malittarisaliuussinissamut tapersiinissaa naatsorsuutigineqarpoq. Kommunit akuersissutaasa piffissaligaalernerisa ataatsimut atugassarititaasut annerusumik allannguuteqartissanngikkaat naatsorsuutigineqarpoq.

5. Avatangiisinut, pinngortitamut aamma innuttaasut peqqissusaannut kingunerisassai

Naatsorsuutigineqanngilaq avatangiisinut, pinngortitamut imaluunniit innuttaasut peqqissusiannut kinguneqartussatut.

6. Innuttaasunut kingunerisassai

Naatsorsuutigineqanngilaq innuttaasunut kinguneqarnissaa.

7. Kingunerisassai allat pingaaruteqartut

Naatsorsuutigineqanngilaq allanik pingaarutilinnik kinguneqarnissaa.

8. Pisortanik aamma kattuffinnik il.il. tusarniaaneq

Siunnersuut piffissami 27. maj 2016-imiit – 27. juni 2016-imut pisortat tusarniaasarnermut quppersagaanni saqqumisimavoq.

Tamatumalu saniatigut siunnersuut pisorta qarfinnut, kattuffinnut aamma suliffe qarfinnut ukununnga tusarniaassutigineqarsimavoq:

KANUKOKA, SIK, Ilaqutariinnermut, Naligiissitaanermut Isumaginninnermullu Naalakkersuisoqarfik, Pinngortitamut, Avatangiisinut Nukissiuuteqarnermullu Naalakkersuisoqarfik, Kalaallit Nunaanni Politiit, Kalaallit Nunaanni Sulisitsisut, NUSUKA, Qeqqata Kommunia, Kommuneqarfik Sermersooq, Qaasuitsup Kommunia, Aningaasaqarnermut Naalakkersuisoqarfik, Nunanut Allanut Pisorta qarfik, Kommune Kujalleq, Peqqissutsimut Naalakkersuisoqarfik, Naalakkersuisut Siulittaasuata Naalakkersuisoqarfia aamma Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik.

Ukunanga tusarniaanermi akissutinik tigusaqartoqarpoq:

SIK, Ilaqutariinnermut, Naligiissitaanermut Isumaginninnermullu Naalakkersuisoqarfik, Kalaallit Nunaanni Politiit, Kalaallit Nunaanni Sulisitsisut, Kommuneqarfik Sermersooq, Nunanut Allanut Pisorta qarfik kiisalu Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfik.

Tulliuttuni tusarniaanermi akissutaasut sammineqassapput, ilanngullugit allannguutissatut siunnersuutit tusarniaanikkut tiguneqartut. Oqaatigineqassaaq tusarniaanermi akissutaasut *allattaatsimik wingasumik allanneqartut* taamaallaat pingaarnersiorlugit issuaavigineqartarmata pingaarnersiuilluni nalilersuineq tunngavigalugu.

Tusarniaanermi akissutaasut tamarmik Inatsisartut ataatsimiititaliaannut siunnersuummik suliaqartumut ilanngullugit nassiunneqarput.

SIK-p oqaatigaa kalaallit sulisartut atorumannginnerannut uppernarsaasiisoqartariaqartoq, ilisimaneqarmat amerlasuutigut saneqqutsisoqartartoq, inunnik nikanarsaanertut taaneqarsinnaasunik. Ilanngullugu oqaatigineqarpoq amerlasuuni najugaqavissut itigartinneqartartut inissaqannginnerat patsisiliullugu, imaluunniit Kalaallit Nunaata iluani atorfininnissamut atatillugu angalanermut akiliussiumasoqartanngitsoq, ilutigisaanilli amerlasuutigut atorfininnermi soraarnermi nunanit allaneersunut sulisunut akiliussisoqartarluni, ilutigisaanillu inissamik atugassiisoqartarluni. Allatut oqaatigalugu SIK ersarissunik ernummateqarpoq qinnuteqartunut naligiimmik atugassaqartitsisoqarnersoq

eqqarsaatigalugu, apequtaatinnagu suliamik ilinniarsimanngitsoq ilinniarsimasorluunniit pineqarnersoq, imaluunniit sulisussaq nunanit allaneersaq pineqarnersoq.

Siunnersuutikkut ataatsimut kissaataavoq sulisut najugaqavissut sapinngisamik annertunerpaamik siulliunneqartassasut, taamatullu aaqqissuussinikkut avataaniit sulisussanik pisariaqartitsineq annikinnerulersinneqassasoq. Naalakkersuisut eqqumaffigaat ajornartorsiutit SIK-miit saqqummiunneqartut. Suliffeqarnermilu periusissiami ”Suliffeqarneq toqqissisimanartoq” 2015-imeersumi immikkut isiginiarneqarput sulisussanik nunatta avataaneersunik sulisoqartarnerup nakkutigineqarnera, pitsaanerumik qularnaarneqarsinnaaqqullugu suliassaqarfimmi tassani malittarisassat atuuttut eqqortinneqartarnissaat. Nunatta iluani sumiiffiit akornanni nuttarnerulersinnaaneq aamma suliffissaqartitsinermut periusissiami immikkut aallunneqartut ilagaat, taamaasillunilu innuttaasunut pisariinnerulissasoq suliffissanik malersuilluni nuussinaneq, nuunnermut atatillugu aningaasartuutitut, angalanernut pequtillu angallanneqarnerannut tapiiffigineqartumik, ukiunilu kingullerni malittarisassat ammanerulersinneqarsimapput. Ullumikkut malittarisassaqaqqanngilaq atorfinnut tamanut inissaqartitsisoqartassasoq, imaluunniit inissiap qanoq pitsaassuseqarnissaanut tunngatillugu, sulisunut nunanit allaneersunut najugaqavissunulluunniit.

SIK-p oqaatigaa isumaqatiginagu § 2, imm. 1 nr. 3-ip atorunnaarsinneqarnera, erseqqissarlugulu pingaaruteqartoq sumiiffinni pissutsinik oqaatsinillu ilisimasaqarneq, isumaginninnermi siunnersortitut perorsaasutullu atorfinni.

Siunnersuummi anguniarneqarpoq Inatsisartut inatsisaata ullutsinnut malinnaatinnissaa, atorfiit taaguutaannut atatillugu, takuneqartarmat assut ajornakusoortuusooq atorfiit najugaqavissunik inuttalerniartarneri. SIK soorunami ilumoorpoq sulisussat najugaqavissut salliutinneqartariaqartut, tamatumani aamma oqaatigineqartut oqaatsinut sumiiffinnillu ilisimasaqarnermut atatillugu, pissutissaqaqqanngilarlu naatsorsuutigissallugu sulisussat avataaneersut suliassaqarfimmi tassani najugaqavissunit piumaneqarnerunissaat.

SIK-p oqaatigaa siunnersuummi § 2, imm. 3-mi aalajangersakkap saneqqunneqarsinnaanissaanik aalajangersagaq kinguneqarsinnaasoq nakkutigineqanngitsumik avataaneersunik sulisussanik tikerartoqalerneranut, tamatumani ingammik siunnersuummi § 2, imm. 3 nr. 1, piumasaqaammut suliffeqarfiup Kalaallit Nunaata avataani angerlarsimaffeqartup pineqarnerani, ernummatigineqarmat periarfissaqalissasoq malittarisassanik saneqqutsisarnissamut ilaatigut Danmark-imi ingerlatseqatigiiffinnik ”skuffe-niittunik” pilersitsinikkut.

Siunnersuummi saneqqutsisinnaanermik aalajangersagaq erseqqissaaneruvoq inatsisitigut maanna atugaasunik, sulinermik inuussutissarsiuteqartut ilaat, tamatumani aamma niuernermit sinniisut, eqqumiitsuliortut aamma ilisimatuut, pisinnaatitaasut sulisinnaanermut najugaqarsinnaanermullu akuersissutitaqanngitsumik qaammatit pingasut angullugit

sulisinnaanermut. Aammalu pingaaruteqarpoq erseqqissassallugu saneqqutsisinnaanermik aalajangersagaq imatut aaqqissuussaammat aalajangersakkami piunasaqaatit tamarmik naammassineqartussaallutik, immikkut akuersissuteqarnikkut kommunimit akuersissummik pisoqarsinnaassappat.

SIK-p oqaatigaa aalajangersakkat sulisussanik avataaneersunik atorfinitsitsinissamut akuersissutaareersut sivitsorneqartarnerinut tunngasut amigaataasut.

Kommuninit akuersissummik sivitsuisarnej pisortat ingerlatsineranni aalajangersakkanit nalinginnaasunit isummanillu tunngavigisanik aqunneqarpoq. Tamanna isumaqarpoq nunatta avataaniit suliarortup sulisitsisua nutaamik qinnuteqaateqartariaqartoq piffissap akuersissuteqarfiusup qaangiutinnginnerani. Oqaatigineqassaaq siunnersuummi § 6, imm. 2-mi kommunimit akuersissummik annerpaamik ukiunut marlunnet piffissalikkamik nalunaaruteqartarnej, inatsisunik maanna atuuttuusunik uniuinngitsaq, piffissalikkamik kommunimiit akuersissummik tunniussisinnaaneq tunngaviusumik periarfissaqareemat. Taamaattumik piffissaligaanngitsumik kommunimiit akuersissuteqartarsinnaanerup atorunnaarsinneqarnera atorfinitsitsinernut akuersissutaareersimasunut atatillugu immikkut ittunik aalajangersakkanik aaqqissuussinissamik isumamineertumik pisariaqartitsinermik kinguneqarnissaa pineqanngilaq.

SIK-p oqaatigaa Inatsisartut inatsisaannik ataatsimut misissuinissaq kissaatigineqartoq Nunamut Tamarmut Inuussutissarsiornermut Suliffeqarnermullu Siunnersuisoqatigiit oqaloqatigineqarnerannik aallaaveqarnissaa takorusunneqaraluartoq, aammalu suleqatigiissitamik pilersitsisoqassasooq nutaamik inatsisiliornissamut siunnersuusiornissamik suliassinneqartumik.

Suliffeqarnermi periusissiap ”Suliffeqarnej toqqissisimanartoq” sunniutissai malittareqqinneqassapput, tamatumani aamma sulisussanut avataaneersunut pissutsit, tamatumani suliffeqarnermi illua'tungeriit akulerunneqarumaarput. Taamatuttaaq periaaseqartoqassaaq kingusinnerusukkut Inatsisartut inatsisaat nalilersoqqinneqassappat.

Ilaqutariinermut, Naligiissitaanermut Isumaginninnermullu Naalakkersuisoqarfiup ilaatigut oqaatigaa siunnersuut allanngortillaqullugu, siunnersuummut oqaaseqaatini § 2, imm. 1 nr. 3-p atorunnaarsinneranut ersarinnersumik tunngavilersuusiortoqaqqullugu, ilanngullugulu oqaatigalugu atorfiit sulisussanik piginnaaneqarluartunik inuttalerniartarnerini, tamatumani aamma forständeritut perorsaasutullu, meeqqanut inuusuttuaqqanullu ulloq unnuarlu angerlarsimaffinni annertuunik unammilligassaqartartoq.

Oqaaseqaatit iluarsiallanneqarput, ersersillugu § 2, imm. 1 nr. 3 atorunnaarsinneqarnissaa siunnersuutigineqartoq, suliassaqaarfinni atorfinnit inuttalerneqartartutut pineqartuni sulisussanik amigaateqartoqarmat.

Kalaallit Nunaanni politiit oqaaseqaatissaqanngillat.

Kalaallit Nunaanni Sulisitsisut ilaatigut oqaatigaat siunnersuummi § 2, imm. 3 akerliusoq siunnersuummi § 2, imm. 3-mut, aalajangersagarlu oqaasertalerneqarsimanermisut isikkoqarluni naligiinngitsumik unammillernermik pilersitsisoq sulisussanik piniartarnerni, kalaallit aamma nunani allamiut suliffeqarfiisa akornanni.

Siunnersuummi § 2, imm.3-mi saneqqutsinissamut aalajangersagaq piumasaqaatinik naammassineqartussanik imaqarpoq, tamatumani aamma Kalaallit Nunaata avataani angerlarsimaffeqarnissamut piumasaqaammik. Inatsisartut inatsisaanni § 2, imm. 2, siunertaqarpoq qularnaassallugu § 2, imm. 1-ip saneqqunneqannginnissaa. Taamaattumillu aalajangersakkat taakkua marluk akornanni akerleriittoqanngilaq.

Siuliani oqaatigineqareersutut aalajangersagaq siunertaqarpoq erseqqissassallugu inatsisitigut pissutsit atuuttut, taamaasillunilu sulisut ilaat, ilaatigut ilisimatuut, niuertut sinniisaat aamma eqqumiitsuliortut Kalaallit Nunaanni qaammatit pingasut angullugit sulisinnaasut, najugaqarnissamut sulisinnaanermullu immikkut uppernarsaateqaratik, taamaattumillu maannamutut pineqartut ikittunnguit killiliivigisaasullu eqqarsaatigalugit sulisussanik avataaneersunik atuisinnaaneq assigiinngissuteqarluni.

Kalaallit Nunaanni Inuusutissarsiortut inassutigaat periaaseq atorneqartoq tassalu atorfiit aalajangersimasut kommuninut sulisussanik avataaneersunik qinnuteqarsinnaanermut akuersissuteqartarnermullu tunngaviunerat qimanneqassasoq, Kalaallit Nunaanni Sulisitsisut naapertorlugit ilinniakkat ataasiakkaat apeqqutaasarmata suliffissaaleqisoqarnersoq imaluunniit sulisussanik amigaateqartoqarnersoq suliassaqarfinni pineqartuni.

Siunnersuummi pingaarnertut siunertaavoq qularnaassallugu atorfiit sapinngisamik sulisussanik najugaqavissunit inuttalerneqartarnissaat, kiisalu sulisussanik avataaneersunik atorfinitsitsisarneq killilersimaarniassallugu. Siunnersuulli aamma suliffeqarnermi inatsisiliornerup nutarterneqarnerata ilaatut isigineqassaaq, tamannalu tunuliaqutaralugu oqaaseqaatit tiguneqartut tunngavigalugit naleqqussaasoqarpoq, siunnerfigineqarlunilu Naalackersuisut atorfinnik nutaanik ikkussisinnaalernissap saniatigut aamma pisinnaatinneqassasut atorfiit nalunaarsukkat ilaannik peersisinnaanermut, inatsisip atuuffianiit, suliffeqarnermi ineriartorneq naapertorlugu.

Kommuneqarfik Sermersooq ilaatigut oqaaseqarpoq nalunaarusiortarnissaq pillugu § 6, imm. 5-itut siunnersuut ima aaqqissuussaasariaqartoq paasisutissat kalaallit suliffeqarnermi ingerlatsinerannik nakkutiginninnermut atorneqarsinnaaqqullugit, ilinniartitaanikkut sammiviit sulisussanik amigaateqarfiusut isiginiarneqarsinnaaqqullugit.

Aalajangersagassatut siunnersuutaasut siunnerfigerpiarpaa kommuninit nalunaarusiortarnerup Naalackersuisut piffissami tassani ilisimasassanik kingullernik tunisassagaat, atorfiit suut inuttassarsiuunneqartuunersut eqqarsaatigalugu, taakku tunngavigalugit Kalaallit Nunaanni pikkorissartitsisarnerni periarfissat aaqqissuunneqarsinnaaqqullugit.

Nunanut allanut pisortaqarfik siunnersuummut oqaaseqaateqanngilaq.

Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup oqaatigaa aallarniutigalugu isumaqarani pissusissamisoortoq Inatsisartut inatsisaata ilinniartitaanerit aalajangersimasut aqussappagit, suliassaqarfimmi ingerlaavartumik allannguuteqartarmat. Tamatuma saniatigut nalunaarneqarpoq Inatsisartut inatsisaat siunissamut sammisumik qularnaagaasariaqartoq ilinniakkat assigiinngitsut tamarmik ilanngullugit, inuussutissarsiutinut imarsiornermillu ilinniartitaanerit kisiisa pinnagit, taamaaliornikkut kalaallit ilinniarsimasut, sulisinnaasunut ilaasut, inuussutissarsiutinut tamanut siulliullutik pisinnaatinneqarnissaat qularnaarneqarsinnaammat.

Siunnersuut suliffeqarnermi inatsisinik nutarterinerup ilagaa, taamaattumillu aalajangersakkamik siunnersuuteqartoqarpoq Naalakkersuisut aalajangersagaliorsinnaanerannut, inatsit atortinneqartussaasoq sulisussanik akissarsiaqartunik avataaneersunik atorfinitsitsisarnerni § 2, imm. 1-imi pineqartut avataanniittuni atorfinni. Allatut oqaatigalugu sulisussat nunatta avataaneersut tiguneqartarneranni siammasissumik eqaatsumillu aqutsinissamut periarfissiisoqarpoq, inuiaqatigiinni suliffeqarnermilu ineriartornermut naapertuuttumik, taamaasillunilu sapinggisamik sulisussanik najugaqavissunik atorfinitsitsisarnissamut anguniagaasoq anguneqarsinnaaqqullugu.

Aammattaaq Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoqarfiup ilanngullugu saneqqutsisinnaanermut siunnersuummi § 2, imm. 3-mi aalajangersagaq ernummatigaa, siunnersuummi immikkut oqaaseqaatit eqqaaneqartut "sulisunut ataatsimut angalaqatigiinnik ingerlatsisuunermi, takornariartitsisutut angalasunik ataatsimoortunik angallassisutut" atuunnersut pillugit, takornariartitsineq Kalaallit Nunaanni inuussutissarsiutini sukarsuit pingaernerit ilagimmassuk, taamaattumillu ilinniartitaanerni immikkut aallullugu sammineqartunut ilaalluni, kalaallini takornariartitsinikkut ilinniartitaanerit soqutigineqarluarmata soorlu serviceøkonom-itut issittumilu takornariartitsisartutut, soorluttaaq ilinniartitaaneq "arktisk adventure guide" aamma piariilersoq. Naalakkersuisoqarfillu tamanna tunuliaqutaralugu isumaqanngilaq suliffissat takornariartitsinermit attuumassuteqartut saneqqutsisinnaanermi ilaasariaqartut, kalaallinik immikkut piginnaanilinnik peqarmat.

Soorlu siuliani eqqaaneqartutut saneqqutsisinnaanermut aalajangersagaq siunnersuutigineqartoq maanna malittarisassanik atuuttunik erseqqissaaneruvoq, taamaasillunilu sulisussat aalajangersimasut najugaqarsinnaanermit sulisinnaanermullu qinnuteqaqqaaratik Kalaallit Nunaanni qaammatit pingasut angullugit sulisinnaallutik. Tamannalu ilaatigut isumaqarpoq maannamutut suli periarfissaasoq nunani allamiut ingerlatsisut angalaqatigiinnik ingerlatsisinnaanerat takornariartitsisulerlugit, oqaatsitigut immikkut piginnaaneqartunik, assersuutigalugu kineseritut imaluunniit japanimiutut. Tamatumali sulisussat ukioq naallugu sulisuusussaasut kommunimiit sulisinnaanermut

akuersissummik peqaqqaartussaannerat allanngortinngilaa. Tamannalu Naalakkersuisut takornariartitsineri 2016-2020-imi periusissiaannut naapertuuppoq, immikkut qularnaarniarneqarsimammat takornariartitsineri nioqquit unammillersinnaasunik akeqartillugit nioqutigineqartarnissaat. Takornariartartut amerleriarnissaat najugaqavissut takornariartitsineri sulisorineqalernissaannut tunngaviuvoq.

Siunnersuummi aalajangersakkanut ataasiakkaanut oqaaseqaatit

§ 1 -imut

Nr. 1 -imut

Siusinnerusukkut oqaasertaliussaasoq naleqqussarneqarpoq, Siamasissumik Tunngaviusumik Ilinniartitaanernut innersuussisoqarunnaarlugu, aammalu naggataani ilanngussisoqarluni ”aamma”-mik. Aalajangersakkap imarisai tunngaviusut allannguuteqanngillat, suliamillu ilinniagaqarnermik oqarnermi suli pineqarpoq ilinniagaq, taaneqartaraluartoq Siamasissumik Tunngaviusumik Ilinniartitaaneq. Kiisalu ilanngussa q aamma pisariaqarpoq § 2, imm. 1, nr. 3 atorunnaarsinneqarmat.

Nr. 2 -mut

Isumaginninnermi siunnersortitut aamma perorsaasutut atorfiit avataaniit suliarortartunut aalajangersakkanit aqunneqartariaqanngitsutut nalilerneqarput, Kalaallit Nunaanni sulisussanik taamatut ilinniagalinnik amigaateqartoqarmat.

Nr. 3 -mut

Inuit inuussutissarsiornermut atatillugu Kalaallit Nunaannut angalasut, suliffeqarfik Kalaallit Nunaata avataani najugaqartoq sinnerlugu, taama iliorsinnaapput kommunimit akuersissutitaqanngitsumik. Taakkua assersuutigalugu tassaasinnaapput immikkut ilinniagallit, specialistit peqataasut biilnik misileraanermut atatillugu, IT-mik suliaqartut Kalaallit Nunaanniittut atortuutiminnik takoqqusaaralutik, imaluunniit aalajangersagaq atortinneqarsinnaavoq inunnet takornariartunut ataatsimoortumut malinnaalluni angalasunut.

§ 2, imm. 4 nutaaq Naalackersuisunut pisinnaatitsivoq inatsimmut atatillugu aalajangersaasinnaanermut, ilinniakkat allat § 2, imm. 1-imi pineqartut Kalaallit Nunaanni ilinniarneqarsinnaasut saniatigut atortuussasut. Aalajangersagaq siunertaqarpoq inatsisip atortinneqarfiata Kalaallit Nunaanni ilinniakkanut nutaanut naleqqussarneqarsinnaaneranut, aammalu qularnaarniarlugu sapinngisamik pisuni amerlanerpaani sulisussanik kalaallinik siunissami atorfinitsitsisoqartassasoq. Tamanna isumaqarpoq suliffissatut periarfissanik tigussaasumik naliliisoqartassasoq, ilutigisaanillu naliliisoqarsinnaalluni ilinniakkatigut nutaatigut pineqartutigut Kalaallit Nunaat suliffeqarnermi pisariaqartitsineq naammattunik pilersorsinnaaneraa.

§ 2, imm. 5-imi nutaami Naalackersuisut pisinnaatinneqarput inatsimmi § 2 imm. 1-imi aalajangersakkamiit atorfinnik peersisinnaanermut. Aalajangersagaq siunertaqarpoq inatsisip atuuffiata naleqqussarsinnaaneranut periarfissaqartitsilernissamut, suliffeqarnermi ineriartornermut naapertuuttumik. Aalajangersakkap inatsimmik atortitsinerup eqaatsumik perrattumillu ingerlanissaa qularnaassavaa.

Nr. 4 -mut

Aalajangersagaq inatsimmi qulequttap allanngortinneqarneranik kinguneqarpoq inatsit mnaapertorlugu kommuninit akuersissutit aamma danskit oqartussaasuisa sulisinnaanermut najugaqarsinnaanermullu akuersissutaasa assigiinngissusaat erseqqissarniarlugu.

Nr. 5 -imut

Aalajangersagaq isumaqarpoq kommuninit akuersissutit piffissamut killilikkamut taamaallaat tunniunneqarsinnaasut, annerpaamik ukiunut marlunnut. Allanguinerup taassuma qularnaassavaa kommuninit akuersissutit aamma danskit sulisinnaanermut najugaqarsinnaanermullu akuersissutaasa tamatigut ukiumik ataatsimik sivilissusilerneqartartut imminnut naapertuuttumik ingerlalnissaat. Aalajangersagaq taanna naapertorlugu piffissaligaanngitsumik kommuninit akuersissutinik tunniussisoqarsinnaajunnaassaaq, taamaasillunilu avataaniit suliaartortup sulisitsisua piffissap akuersissuteqarfiusup naannginnerani qinnuteqaqqittariaqartalissaaq. Piffissaq akuersissuteqarfiusoq ukiunik marlunnik sivilissuseqartoq danskit oqartussaasuisa Danmark-imi sulisinnaanermut najugaqarsinnaanermullu piffissamik suliaqarnissaannut sillimanissamik periarfissiissaaq.

Nr. 6 -imut

Aalajangersakkami Naalackersuisut nalunaarusiortarnek pillugu ersarinnerusunik aalajangersagaliorsinnaanermut pisinnaatinneqarput, qanoq imaqartarnissaat qanorlu akuttussuseqartarnissaat pillugit. Kommunit nalunaarusiortarnerisa Naalackersuisut periarfississavaat pissutsinut piffissami pineqartumi atuuttunut tunngasunik ilisimasaqartuarnissaannut, atorfiit suut piumaneqarnerisut eqqarsaatigalugu, taamaaliornikkut Kalaallit Nunaanni pikkorissaqqittarnerni periarfissat pisariaqartinneqartut isumagineqarsinnaaqqullugit. Kommunit nalunaarusiaannut ilaasinnaassapput qaammatit tamaasa qinnuteqartut qassiunerat sulianilu ataasiakkaani kommunalbestyrelsip aalajangersimaneri.

§ 2 -mut

Siunnersuutigineqarpoq Inatsisartut inatsisaat 1. januar 2017 atortuulissasoq.